

درس‌داده یکی پوسته‌خانه قارشوسند.
دائرة مخصوصه در محل اراره:

مُشَاطِقُ

انظار:

مسلكمزه موافق آثار جديده مع المنونيه قيرل اولنور
درج ايديلين آثار اعاده اولنار

دين، فلسفه، ادبيات، حقوق و علوم دن باحث هفته‌لق رساله در

مؤسسلری: ابوالعلا زين العابدين - ح. اشرفى اديب

تاريخ تأسيسی:

۱۱ تموز ۳۲۴

درس‌داده نسخه‌سی ۵۰ پاره در

قيريله دن مقوا بورو ايله کوندريليرسه سنوی
۲۰ غروش فضله آلنير.

درس‌داده پوسته ايله کوندريليرسه ولايات بدلی اخذ اولنور.

سنه‌لکی الحق ایللی

۳۵ ۶۵

۵۰ ۹۰

۵۵ ۱۰۰ غروشدر.

درس‌داده

ولاياتده

ممالک اجنبیه‌ده

عدد: ۷

۳۲۶ رمضان ۱۲ پنجشنبه ایلول ۲۵ ۳۲۴

برنجی سنه

التزام ایدن بر شاعرک شعر نده وبر منشینک کلامنده افضحیت و ابلفیتک تنزل ایده چکی امر طبعیدر . حتی (لید ابن ربیعہ) ایلہ (حسان) رضی اللہ عنہما نیک داخل دائرہ اسلام اولدقلرندن صوکره شعر لرینک تنزل وتندی ایتش اولدینی ارباب وقوفه معلومدر . قرآن کریم ایسه هر آیتده صدقه کال درجه رعایت اولمقله برابر فصاحت و بلاغتک مرتبه قصواسنده اولهرق نازل اولمشدر .

ثانیاً : بر شاعر نقد فصح ، نقد بلوغ اولورسه اولسون انک بر قصیده سنده انجق بر ویا ایکی بیت بلیغه تصادف اولنه ییلور . چونکه (بلاغت) کلماتک فصیح اولمسيله برابر کلامک مقتضای حاله مطابق دیمک اولوب احوال و مقامات کلام ایسه متفاوت و متخالف اولدیغندن هر کلامی کندینه مخصوص بر مقامده ایراد ایتک و او مقامه مناسب اولان امورک جمله سنه رعایت ایتک قدرت بشریه نیک خارجنده در . حالبوکه قرآن کریمک هر کلام و جمله سی کندینه مخصوص اولان حال و مقامده سوق اولمش و او مقامه مناسب اولان امورک کافه سنه رعایت ایدلمشدر . رابعاً : زهد و تقوی ، مسائل فقه و فتوی ، ذم دنیا و مدح عقبا کبی شیلره دائر و تشبیهات بلیغه و استعارات دقیقه یی شامل بر مقوله بلیغه و بر قصیده فصیح یازمق و یاسویلاک هیچ بر شاعر و منشی به ممکن دکل ایکن قرآن کریمده بوکبی مباحث عالی کال فصاحت و بلاغت اوزره ذکر و اتیان اولمشدر .

خامساً : محققدرکه بعض اشیای تصویرده کوزل شعر انشادینه مقتدر اولان بر شاعر به شقه شیلری وصف و ذکرده اوقدرت شاعرانه سی لایقيله کوسترمک ممکن دکلدر . نشه کیم (امری القیس) ک شعری آت و نسا کبی شیلری وصفده ، (نابغه) نیک شعری خوفده ، (اعشا) نیک شعری ده خریاتده کوزل اولوب بشقه شیلره ایسه اوقدر کوزل دکلدر . حالبوکه قرآن کریم ترغیب ، ترهیب ، وعظ ، زجر و سائر کبی یک چوق مباحث و مسائل مختلفه یی جامع ایکن جمله سنده غایت فصاحت و نهایت بلاغت اوزره وارد اولمش و هپسنده حسن ذاتی سی بر صورت خارق العاده اظهار ایلمشدر .

سادساً : کندی سنده علی التوالی بر مضموندن دیگر مضمونه انتقال ایدیلن و یا بر طاق اشیای مختلفه نیک بیانی مشتمل بولنان بر کلامک اجزاسی ارسنده حسن ارتباط اوله میه جنی و بناء علیه کلام مذکورک درجه عالیة بلاغندن سقوط ایده چکی درکار اولدینی حالده قرآن کریمده بر قصه دن دیگر قصه یه ، بر مضموندن بر بشقه مضمونه متوالیا انتقال ایدلمش و امر ، نهی ، خبر ، استخبار ، وعد ، وعید ، توحید ، نبوت ، معاد ، ترغیب ، ترهیب کبی نیجه مضامین مختلفه نیک بیانی متضمن بولمش ایکن ینه حسن ارتباطی کال فصاحت و بلاغتیله محافظه ایلمشدر .

سابعاً : (ولکم فی القصص الخ) آیت جلیله سی کبی بر جوق آیات بیناتک و با خصوص (ص) سورہ شریفه نیک سراپا شهادت لریله قرآن کریم اکثر مواضعنده الفاظ قلیله ابله معانی کثیره یی غایت بلیغانه و فصیحانه اولهرق افاده ایتمشدرله بونکده قدرت بشریه نسبتله بر امر محال اولدینی ارباب وقوفه نمایاندر .

ذاتاً جناب حق بزی ام سالفه نیک تاریخی تتبع ایتمه یه ، اولوردن عبرت آلهرق دوشمش اولدقلری کریوه اضمه حاله کندی عزی قایدیر مامق ایچون اسباب سقوط لرینی تحری ایلده یه ترغیب ایدیور . ایشته بزده بو طریق عبرتی آزاچق تعقیب ایدنجه کوردک که قادی نلرک استقلال مطلق هم کندی لرینک ، هم ده ارککلرک حرمانی ، ضررینی موجبدر . بناء علیه بزه لازم اولان بویله بر کرداب مهلکه آتیلندن صافینه رق حال نسوانی تهذیب ایچون - هیچ بر خصوصده حکمت الهیه نیک ، فطرت بشریه نیک حدودی خارجنه چیقمامق شرطیله - بشقه بر طریق موافق آراشدیر مقدر .

لاحقه

شومترجم اثر حقنده امضاسر بر مطالعه نامه کوندنن ذاته :
افندم ، رساله مزده کی مقاله لریک جوغی حقنده اطرافدن مکتوبلر کایور . بونلره جواب ویرمک ایشیزی بر اقله اوله یله چک ، بوا یسه ایشمه کلیه چک .
سزده شیمدی سؤال لریکزه جواب ویرمه ییشی احتمال که عجزمه ویرمه چکسکر ؛ لکن نه بأس وار ؟ بن ذاتاً داعیه قدرتله اورتیه چیقمامکده . مقصدم المدن کلدیکی قدر ملنک خیرینه خدمتدر . سعیلری مشکور اولمایانلر نیتلندن طولانی مأجور اولورلر .

مکتوبکزی امضای کوندردیدیکز (مردهانه) بر حرکت ایتش اولوردیکز . شخصی طایمیشکر جسارتکزی قیرماملی ایدی . چونکه بن قورقاق بر آدم اولدیم کبی حد اولسون قورقوجده دکل . برده اثر هنوز بیتدی ، مابعدی بویله بش اون نسخه ده اشغال ایده چکدر . رجا ایدرم ، صره یله اوقویکده مطالعاتکزی استحصال ایده چککر نتیجه اوزرینه بنا ایدک .

محمد عاکف

اعجاز قرآن

قرآن کریم کتب سماویة سائر نیک هیچ بر یسنه مقیس اولیوب الفاظ شریفه و معانی دقیقه سیله حائز مرتبه اعجاز و مضامین لطیفه و احکام متین سیله ده ازهر جهت ممتازدر .

قرآن کریمک واصل مرتبه اعجاز اولدینی فصحا و بلفاء عربک مثانی اتیاندن عاجز قالمیرله نایندر . فی الحقیقه بو کتاب مبین فصاحت و بلاغت اوزره ایراد کلام ایتکی الک بیسوک شرافت واک عالی عزت عد ایدن و حتی زاده طبعیلری اولان جواهر کلامی تعلیق صدر کعبه علیادن بشقه مناسب بر محل بولامیسان فصحا و بلفای عربیه قارشو نازل اولمش و نیجه آیات بیناتیه انلره تحدی ایدرک ، یعنی میدان اوقویهرق ، مجموعنه مقابله شویله طورسون ، اقصر سور سنده بیله بر نظیره یاقندن جمله سی عاجز بر اقلشدر .

باغای عربک اقصر سور قرآنییه نظیره یاقندن عاجز قالمیری ایسه وجوه آیه یه مبنیدر :

اولاً : عربک فصاحت و بلاغتی آت ، دوه ، جاریه و حرب و سائر کبی مشاهداتی وصفه منحصر اولوب قرآن کریم ایسه بو مثالو اشیای وصف و بیان ایتدیکندن فصحاء بین العرب فصاحت و بلاغتلری مشهور و متفق علیه اولان الفاظی قرآنده بولامامشدردر .

ثانیاً : عربلرک (احسن الشعر کذب) قول مشهوری منطوقیه بر شعرک ، بر سوزک الک کوزلی الک کاذبی اولدیغندن کذبی ترک و صدق

و بدیده خلوص نیتی تأکیداً بیان ، ریا و سمعه دن قطعاً زجر ، تهذیب اخلاقی مفصلاً و مکملآ بیان ، اخلاق ذمیه اصحابی تهدید ، حلم ، تواضع ، کرم ، شجاعت و سائره کبی اخلاق حسنه ی مدح ، غضب و تکبر و بغض و کین و ظلم و سائره کبی اخلاق قبیحه ی ذم ، تقوا یه ، ذکر الله و عبادة الله ترغیب .

امدی مضامین قرآنیه نك خلاصه و زبده سی ایشته بو ذکر اولانان شیرا ولوب بونلرایسه بلاشك عقلاً و نقلاً بمدوح و مقبولدر . بوجهتله جناب حق آنلری قرآنده صدور و اسالیب مختلفه حسنه و مقبوله ایله تکرار تکرار بیان ایتش و محافظه اولنلرینی صورت قطعیه ده فرمان بیورمشدر که نوع بشرک سعادت مادیه و معنویه سی تأمینه بحق کافی اولان بوقدر مضامین لطیفه و مقبوله نك هیچ بر کتاب سماویده بر مثلی ده ا کورولما مشدر .

موسی لایظم

مواظطه

مقرر ی : مناسترلی اسماعیل حق افندی
مقرر ی : سیروزلی ح . اشرف ادیب
۷۷- نجوی درسک مابعدی و صوکی

متخیر اولدیلر . ببنارنده قونوشمغه باشلا دیلر ، نهایت شو پولده جواب و بر دیلر .

— بز ذاتا آتشدن قاهره پیغمبره ایمان ایتدک . آتشدن قور . تولم دیه . آتشه یانق ایچون ایمان ایتدک . واقعا : « اطاعت ایدک ! » بیوردی . بونی بیایورز . فقط ظن ایتمیکز که « آتشه ده کیرک ! » دیرسه کیرمک لازم کلیر . نه او ، بویله امر ویرر ، نه سزک بونی امر ایتمکه حقکزار . بز هم دنیا ، هم آخرت آتشنه کیره میز . — کیره جکسکز . — کیره میز افندم !

اونلر بویله قونوشیورکن آتشی یانوب کول اولدی . علقمه نك ده غضب وحدتی آتشه برابر سوندی .

صوکرا عودت ایتدیلر . رسول اکرم افندمزه ایشی حکایه ایتدیلر : — بویله بویله برشی اولدی . علقمه حضرتلری ده بزه : « آتشه

کیرمزه کز بکا عاصی اولورسکز . بکا عاصی اولان پیغمبره عاصی اولور . » دیدی . اووقت نه بیوردی رسول اکرم افندمزه ؟

— [لو دخلوها ما خرجوا منها ابدأ] یوق ، یوق . اگر او آتشه کیره دیدکز ، قیامته قدر چیقماز دیکز . آخرتده یانه جقدیکز .

اصل عاصی اووقت اوله جقدیکز . اطاعت معروفه قارشیدر . منکره اطاعت اولماز . مدافعه اولور . هرکسک حق وار ، حقوقی وار . اگر

او آتشه کیریدیکز ، ابدیاً چیقمایه جقدیکز . یعنی آخرت عذابنده لایق اوله جقدیکز . ظاهرده اطاعت ، فقط حقیقتده بلاهت در .

معروفه دأردر اطاعت . منکره قارشی اطاعت اولماز . اونک ایچون نه بیورور ؟

[فان تنازعتم فی شئ فردوه الی الله و لرسول ان کنتم تؤمنون بالله] الله اطاعت ایدک ، رسوله اطاعت ایدک . اولی الامرده اطاعت ایدک .

اما اولی الامر ، الله کبی ، رسول کبی طوغرو یوله سوق ایتمزه ... عادل وار ، ظالم وار . دیدک یا ، هپسی اولی الامر در . ولو بر قاج

نامنا : اصحاب بلاغت و فصاحتیه معلوم اولدینی اوزره برکلامده جزالت ابله عذوبت و لطافتی وجه لایق اوزره جمع ایتمک درجه استحاله ده اولدینی حالده قرآن کریم ک چوق آیات بیناتی و بویکی صفت متضاده یی وجه الیق اوزره جمع ایتمشدر .

تاسعاً : قرآن کریم رکاکت ، قیاسه ، قاعده یه مخالفت و تنافر حروف و کلمات کبی خل فصاحت اولان اموردن بالکلیه خالی اولمقله برابر تأکید ، اطلاق ، تقدیم ، تأخیر ، فصل ، وصل و سائره کبی بلاغت کلامده رعایت اولنسی لازم کان امورک کافه سی مشتمل در که هیچ ربلیغک کلامنده بونک مثلی کورلماش و کورلماک احتمالندن دخی پک بعید بولمشدر . ایشته بویکی اسبابه بناء فصحاً و بلغاً قرآن کریمک اک قیسه بر سوره سنه بیله نظیره یا عقندن عاجز قالمشدر و نهایت جله سی اوکلام معجز بیانه قارشو سرفرو برده حیرت اولمشدر . قرآن کریمک معجز اولسی و بتون بلغایه قارشو تحدی انلسی ، میدان او قومسی کندی زمان نزولنه مخصوص اولوب بیک اوچوز بوقدر سنه دنبری بو تحدی یی ایتمکه و بومیدانی او قومده در .

واقعا کلامده فصاحتک ، بلاغتک ، جزالتک ، عذوبت و لطافتک نه دیک و نصل اولدینی بیلیان بعض خصمای دین و بر طاقم سفهای کوته بین قرآن کریمک بعض یا کلش و ناقص ترجمه لرینه باقهرق انک فصاحتیه ، بلاغتیه ، اجزاسی ارسنده ارتباطنه دأر بر چوق هذیانلر سونلشدر ایسه ده انلرک بو هذیانلری عوعوه قیلندن اولوب شایان استماع بیله دکلدرد . چونکه قرآنک درجه علیای بلاغتده اولدینی بیک یا فصحا و بلغای عربدن اولمغه و یا خود فن معانی و بیانده مهارت کامله سی بولمغه ، توقف اولدینندن اولسان عذب الیساندن ، او علوم متین الاحکامدن بیگانه اوللره قارشو قرآنک بلاغتیی و آیات بیناتی ارسنده کی حسن انسجام و ارتباطنی آتانه قالشقی عبت ایله اشتغالدر .

هله بعض علمای روحانیونک — کویا قرآنی آکلور لر مش کبی — اوکتاب مبینک مضامین غیر مناسبه یی متضمن اولدینغه دأر سوبلدکلری هذیانلر اغرب غرابشدندر . عجا قرآن کریم کندی کتابلری کبی انبیای عظام حضرتانه بر طاقم فحشاتی اسناد ایتوب بالعکس مشار الیه یی اوکبی نقایصدن تنزیه و تقدیس ایتدیک ایچونعی مضامین غیر مناسبه یی متضمن اولمشدر ؟ انلر امین اولسونلر که قرآن کریم لایعه و لایحی مضمونلری افاده ایلدیکی حالده هیچ بریسنده عقل و حکمتیه مغایر برشی کورلما مشدر . ایشته مال و مرجع مضامین قرآن شونلردن عبارتدر :

توحید و تنزیه ذات ، ذکر و تفرید صفات ، توحید خالصه دعوت ، شرکدن و بالخاصه تشلیشدن شدتله نهی ، انبیای سالفه یی ذکر ، آنلری شان نبوته لایق اولیه حق نقایصدن تنزیه ، انبیایه ایمان ایدنلری مدح و ثنا ، منکرین انبیای ذم و تقبیح ، انبانک جله سنه و علی الخصوص عیسی علیه السلامه ایمانی تأکید ، نهایت مؤمنلرک مشرکینه غالب اوله جقلرینی وعد و اخبار ، قیامتک و اوکونده هرکسک کندی اعمالنه کوره مکافات و مجازاتک حقیقتی بیان ، ذم دنیا و مدح عقباء ، اشیانک حلال و حرامنی بیان ، سیاسته ، تدبیر منزله متعلق بالجمله احکامی بیان ، الله ، اهل الله محبتیه تشویق ، وصول الی الله وسیله اوله بیله جک شیرلری بیان ، ادانی و اسافل ایله مصاحبتدن منع ، عبادات مالیه